



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 225

DATUM: 05.08.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Seminarom na temu Komuniciranje kandidata za vijećnike i gradonačelnike započeli pripreme za predstojeće izbore

U Novom Travniku održan trening LOD metodologija i njena primjena

Izabrane jedinice za Projekat općinsko-ekološko i ekonomsko upravljanje

U Kaknju predstavljena "Aqua power" tehnologija

Infrastrukturni projekti u osnovnim školama na području Općine Ilijaš

Prva faza saobraćajnice koja će spojiti dva dijela općine Novi Grad Sarajevo

Uloga poduzetničkih potpornih institucija u jačanju malog i srednjeg poduzetništva

Dvanaesti tradicionalni veslački maraton u Jablanici

Sastanak povodom upisa stećaka na listu svjetske kulturne baštine UNESCO

Bilten Saveza općina i gradova Federacije Bosne i Hercegovine

SEMINAROM NA TEMU KOMUNICIRANJA KANDIDATI ZA VIJEĆNIKE I GRADONAČELNIKE ZAPOČELI PRIPREME ZA PREDSTOJEĆE IZBORE

U organizaciji Saveza općina i gradova Federacije BiH od 1. do 4. kolovoza/avgusta u Bosanskom Petrovcu, Tomislavgradu, Vitezu i Tuzli za općinske/gradske vijećnike održani su seminari na temu "Komunikacija s javnošću (komuniciranje s građanima i odnos s medijima)". Voditelj seminara bio je dr. sc. Drago Martinović uposlenik Gradske uprave Grada Širokog Brijega i autor više znanstvenih i stručnih radova i dvije knjige na temu medija, odnosa s javnošću i lokalne samouprave. Na seminaru su obrađene teme: 'Osnove komuniciranja', 'Javni nastup', 'Odnosi s javnošću (građani i mediji)', 'E-komunikacija', 'Politička kultura' i 'Izborna kampanja'. Voditelj seminara dr. Martinović je primjerima iz prakse, savjetima i praktičnim vježbama između ostalog ukazao na važnost komunikacije posebice u izbornoj kampanji kada je najintenzivnije vrijeme komunikacije na relaciji političke stranke - javnost - mediji. Sudionicima seminara naglašena je posebna potreba i važnost korištenja alata novih medija u komuniciranju s javnošću. Tijela lokalne uprave odnosno gradonačelnici i vijećnici postali su medij koji putem alata novih medija ponajprije društvenih mreža, web-stranica i blogova komuniciraju s javnošću i dobivaju povratnu informaciju od iste te javnosti, istaknuto je između ostalog o važnosti novih medija. Na kraju seminara sudionici su ispunili evaluacijski obrazac u kojem su s veoma visokim ocjenama ocijenili prezentaciju i stručnost predavača, kao i samu organizaciju seminara. Temeljni cilj seminara bio je teorijski, te praktičnim savjetima i primjerima iz prakse ukazati na mjesto, ulogu i važnost odnosa s javnošću u lokalnoj samoupravi s posebnim osvrtom na odnos izabranih dužnosnika/vijećnika s javnošću. Cilj je također unaprijediti odnos vijećnika spram javnošću ponajprije komuniciranjem s građanima i odnosima s medijima, s čime jača njihov imidž, a samim tim i imidž jedinice lokalne samouprave kojoj pripadaju.



U NOVOM TRAVNIKU ODRŽAN TRENING LOD METODOLOGIJA I NJENA PRIMJENA



U Općini Novo Travnik je održan 4. avgusta/ kolovoza trening: "LOD metodologija i njena primjena", kojeg je Savez općina i gradova Federacije BiH organizovao za predstavnike Općine Novi Travnik i organizacija civilnog društva. Iako nije partnerska općina LOD projekta, Općina Novi Travnik je prepoznala potrebu sistematskog uređenja procesa dodjele sredstava organizacijama civilnog društva i uvođenja transparentnosti u ovaj proces. Trening je imao za cilj upoznati predstavnike općine i organizacije civilnog društva sa osnovnim principima, koracima i pratećom dokumentacijom LOD metodologije.

U julu mjesecu je Općina usvojila LOD metodologiju te zatražila tehničku pomoć prilikom njene primjene od Saveza općina i gradova FBiH i LOD IV projekta.



IZABRANE JEDINICE ZA PROJEKAT OPĆINSKO OKOLIŠNO I EKONOMSKO UPRAVLJANJE

Na prvom sastanku Projektnog odbora Projekta općinskog okolišnog i ekonomskog upravljanja (MEG), predstavljena je lista partnerskih općina i gradova koji će biti podržani u okviru projekta. MEG projekat finansira Vlada Švicarske, a za implementaciju je odabran Razvojni program Ujedinjenih nacija (UNDP) u Bosni i Hercegovini (BiH). Kao nova inicijativa u oblasti lokalne samouprave, MEG će pružiti podršku lokalnim vlastima kako bi unaprijedile svoje demokratsko upravljanje i osigurale kvalitetno i



efikasno pružanje usluga, sa težištem na sektore privrede i okoliša. "MEG je sveobuhvatan projekat: on je strateški i praktičan; oslanja se na snažnu predanost partnerskih općina i gradova, te istovremeno predstavlja i najveći iznos bespovratnih sredstava koje je Vlada Švicarske osigurala za jedan projekat u BiH. Implementacija ovog projekta predstavlja veliki izazov za sve nas", rekla je Regula Bähler, savjetnica za lokalnu upravu, migracije i razvoj u Ambasadi Švicarske u BiH. Projektni odbor je informiran o metodologiji i procesu odabira partnerskih općina i gradova te je upoznat i sa listom od 18 izabranih partnerskih jedinica lokalne samouprave, uključujući: Tešanj, Teslić, Žepče, Bosanska Krupa, Gračanica, Gradiška, Prijedor, Sanski Most, Cazin, Velika Kladuša, Bihać, Dobo, Kalesija, Tuzla, Gradačac, Prnjavor, Kozarska Dubica, i Kostajnica. Ove općine i gradovi će biti grupisani u dva geografska klastera, i to sjeverozapadni, koji uključuje Unsko-sanski kanton i širi region oko Prijedora, te sjeveroistočni koji obuhvata širi region Doboja i Tuzle. Tokom prve četverogodišnje faze projekta, pružit će se podrška organima lokalne vlasti u unapređenju kvaliteta i dostupnosti javnih usluga i infrastrukture za najmanje 700.000 građana, među kojima su i socijalno najugroženije kategorije stanovništva. Osim toga, planirana je i saradnja sa privatnim sektorom u svrhu podrške otvaranju novih radnih mjesta. Budžet za prvu fazu projekta iznosi približno 21 milion konvertibilnih maraka.



U KAKNJU PREDSTAVLJENA "AQUA POWER" TEHNOLOGIJA

U ZDRAVLJE



Načelnik Općine Kakanj Nermin Mandra je 1. avgusta/ kolovoza u svom uredu upriličio prijem za Sejada Hercega, predsjednika Saveza udruženja organskih proizvođača F BiH, te Vanju Lavrentijeva i Željka Hanžeka, predstavnike austrijske kompanije "Aqua Power" GmbH za BiH.

Prijem je organiziran pred otvaranje četverodnevno dogaćaja pod nazivom "Dani organske proizvodnje, dani meda, izložba rukotvorina" koji će biti upriličen u

okviru Kulturno-sportske manifestacije "Kakanjski dani", te pred edukaciju koju su u Omladinskom centru Kakanj Hanžek i Lavrentijev održali o temi "Primjena žive vode u organskoj biljnoj proizvodnji". Gosti su načelniku predstavili "Aqua power" tehnologiju pomoću koje se mijenja struktura vode kako bi ona u konačnici donijela puno veće prinose i zdravije plodove u odnosu na upotrebu uobičajenih metoda navodnjavanja vodom čiji sastav nije provjeren i koji ne odgovara biljkama koje su inače u procesu organskog uzgoja veoma osjetljive. Ovaj koncept zasniva se na činjenici da npr. hemijski tretirana voda iz vodovoda nije pogodna za navodnjavanje u organskoj i drugoj proizvodnji. U razgovoru sa svojim gostima načelnik Nermin Mandra je rekao da je Općina Kakanj veoma zainteresirana za sve inovativne metode u oblasti organske proizvodnje i općenito poljoprivredne djelatnosti i da je takav stav u skladu sa općim opredjeljenjem da se kontinuirano podstiče, pomaže, stimulise i podržava poljoprivredna proizvodnja u Kakanju kroz različite oblike podrške definirane kroz kontinuirane konsultacije i dijalog sa Savezom udruženja poljoprivrednih proizvođača "Kakanjska poljoprivreda – KAP" Kakanj.



Grb Općine Kakanj

Naglasio je i da Općina Kakanj novčano pomaže poljoprivrednim proizvođačima pri nabavci mehanizacije u iznosu od 30 % i da nabavka "Aqua Power" tehnologije koja se primjenjuje u organskoj proizvodnji također može biti dio asortimana mehanizacije i uređaja čiju nabavku sufinansira Općina Kakanj.

Donosimo još nekoliko informacija o "Aqua power" tehnologiji. Naime, u usporedbi s prirodnom izvorskom vodom, koja je bistra, čista i ljekovita, vidjelo se da vodovodna voda nema snagu izvorske pa zato ne može pozitivno uticati na čovjekov imunitet. Japansko-austrijski tim stručnjaka riješio je taj problem kako bismo u vodovodnoj mreži imali snagu izvorske vode. Naime, naučnici su uočili da zlato, srebro i platina imaju jak energetski efekat na vodu, te su ove plemenite elemente obogatili vitaminima i mineralima i tako patentirali tehnologiju "Aqua power". Kasnije su naučnici sa univerziteta u Beču i Grazu dokazali da je ovakva voda i ljekovita. Pokazalo se i da biljke koje su tretirane tom vodom rastu brže, cvjetaju ranije i rijetko obolijevaju. Kod testova s pilićima pokazalo se da im ova voda jača imunitet, da troše manje hrane za rast i razvoj, a smanjen je i broj uginuća.

INFRASTRUKTURNI PROJEKTI U OSNOVNIM ŠKOLAMA NA PODRUČJU OPĆINE ILIJAŠ

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



U kabinetu općinskog načelnika je 1. avgusta/ kolovoza održan sastanak, povodom početka realizacije četiri velika infrastrukturno projekta na objektima osnovnih škola na području Općine Ilijaš. Pored Općinskog načelnika g. Akifa Fazlića, sastanku su prisustvovali koordinator projekta za energetske efikasnosti ispred Federalnog ministarstva prostornog uređenja g. Mustafa Čopelj, Ministar finansija u Vladi KS g. Jasmin Halebić, Ministar

za obrazovanje, nauku i mlade g. Elvir Kazazović, direktor JU OŠ "Stari Ilijaš" g. Mahir Dević, direktor JU OŠ "Srednje" g. Refik Kurtović, direktor JU OŠ "Hašim Spahić" g. Mirsad Kustura, predstavnik SŠC "Nedžad Ibrišimović" g. Ibrahim Salčinović i direktor JU OŠ "Podlugovi" g. Admir Abadžija. Radi se o ukupnom ulaganju u oblast obrazovanja u iznosu od 1.123.000,00 KM u 2016. godini. Izvor tih sredstava su Projekat "Energetske efikasnosti" Svjetske banke za JU OŠ "Haim Spahić" i JU OŠ "Srednje" u ukupnoj vrijednosti od cca 900.000,00 KM. Pored ovih Projekata u toku je realizacija Projekta vanjskog uređenja objekta OŠ "Hašim Spahić" u vrijednosti od 90.000,00 KM koji u potpunosti finansira Općina Ilijaš, zamjena krova na objektu OŠ "Podlugovi" u vrijednosti od 75.000,00 KM koji sufinansira Federalno ministarstvo raseljenih osoba u iznosu od 60.000,00 KM i Općina Ilijaš u iznosu od 15.000,00 KM. Općinski načelnik g. Akif Fazlić, je ovom prilikom naglasio da je 2016. godina sa aspekta prioriteta u Općini Ilijaš postavljena kao godina ulaganja u obrazovanje i zdravstvo, te dodao: "Realizacijom ovih projekata značajno će se unaprijediti uslovi za učenike i nastavnike. Većina objekata iz sfere obrazovanja dovest će se na nivo koji dugoročno obezbjeđuje kvalitetne uslove u obrazovnom procesu. Ovo je jako bitno i u vođenju budžeta sa aspekta rashodovne strane, jer će se na taj način omogućiti uštede, ulagati će se manje sredstava za energente, a ta sredstva će se oslobađati i ulagati u nove investicije". Vlada KS je na aprilskoj sjednici Sjednici predložila izmjene i dopune Budžeta KS po skraćenom postupku, čime se omogućila realizacija ovog projekta. U pitanju su kreditna sredstva u iznosu od 1.100.000,00 KM po povoljnim uslovima, a jedan dio su nepovratna sredstva. Ministar finansija u Vladi KS g. Jasmin Halebić je rekao da je: "ovo investicija koja se vraća. Prosječan period povrata je period od 7-8 godina. Koristi od projekta su mjerljive i nemjerljive. Mjerljive se ogledaju kroz uštede koje će se pokazati u budžetu na poziciji zagrijavanja škola, a one nemerljive se ogledaju u unapređenju kvaliteta obrazovanja, smanjenju izostanaka i očekivanom poboljšanju kvaliteta nastave". Nakon otvaranja JU OŠ "Stari Ilijaš", rasteretili su se kapaciteti JU OŠ "Hašim Spahić" i stvorili pretpostavke za veća ulaganja u infrastrukturu ovog objekta. Direktor JU OŠ "Stari Ilijaš" i Dopredsjedavajući Općinskog vijeća Ilijaš g. Mahir Dević je ovom prilikom istakao da su: "Ovo potpuno opravdani projekti. Ilijaš je vodio racionalnu politiku u oblasti obrazovanja godinama, kako u kadrovskom smislu tako i u smislu broja odjeljenja i na taj način stvarao uštede resornom Ministarstvu.



Grb Općine Ilijaš



PRVA FAZA SAOBRAĆAJNICE KOJA ĆE SPAJATI DVA DIJELA OPĆINE NOVI GRAD SARAJEVO

Izgradnja 9. transverzale, saobraćajnice koja će povezivati dva dijela općine Novi Grad Sarajevo počeo će nakon što izvođač radova dostavi odgovarajuće bankovne garancije, što se očekuje u narednih sedam do 15 dana, najavljeno je tokom potpisivanja ugovora za izvođenje radova na izgradnji prve faze ove saobraćajnice, upriličenom u zgradi Općine Novi Grad. Riječe je o jednom od najznačajnijih infrastrukturnih projekata iz oblasti saobraćaja, koji Općina Novi Grad Sarajevo realizira zajedno sa



Direkcijom za puteve Kantona Sarajevo. Ugovor su potpisali direktor Direkcije za puteve KS-a Nermin Drnda i Hamed Ramić, direktor firme Euro-asfalt, a potpisivanju je prisustvovao i općinski načelnik Semir Efendić. Dio 9. transverzale predviđen prvom fazom gradit će se od raskrsnice sa ulicom Džemala Bijedića preko platoa firme Energoinvest – Tvornica dalekovodnih stubova u dužini nešto većoj od stotinu metara. „Općina je sa Direkcijom za puteve KS-a ranije potpisala ugovor za sufinansiranje izgradnje prve faze, čime je osigurano 900.000 KM, međutim kroz proceduru javne nabavke cijena je umanjena, tako da će radovi predviđeni prvom fazom koštati oko 580.000 KM. Prije toga, utrošena su dva miliona maraka za eksproprijaciju zemljišta od firme Energoinvest i jednog dijela privatnog zemljišta. Ukupna dionica dugačka je 600 metara, a prva faza koja počinje od ulice Džemala Bijedića dugačka je nešto više od 100 metara", rekao je Efendić i dodao da će sa ovim sredstvima u 9. transverzalu biti uloženo više od 2,5 miliona maraka. Izgradnja ove saobraćajnice od izuzetnog je značaja, jer će povezivati prostor Boljakovog Potoka sa ostatkom općine, tako da će se nakon njene izgradnje, do tramvajske stanice na Alipašinom Polju iz Boljakovog Potoka moći doći za nekih pet minuta. Sada je Općina Novi Grad željezničkom prugom „presječena“ na dva dijela. "Očekujemo da ćemo u naredne dvije do tri godine iz budžeta Općine i Kantona Sarajevo obezbijediti sredstva za njen ukupni završetak. Za gradnju ove saobraćajnice nije predviđeno kreditno zaduživanje kao i u slučaju A tranverzale", objasnio je načelnik Efendić. Podsjetio je da je dio 9. transverzale već izgrađen, od ulice Džemala Bijedića, preko mosta na Miljacki, Alipašinog Polja do Mojčila, a novi dio pružat će se od raskrsnice u ulici Džemala Bijedića do kružnog toka na spajanju ulica Safeta Zajke i Smila Šikala. Direktor Drnda kazao je da je Direkcija provela proceduru izbora izvođača radova, te da će vršiti nadzor nad izvođenjem radova. „Posao nije toliko zahtjevan i najvjerovatnije ćemo već iduće sedmice početi sa radovima, tako da bi prva faza trebala biti završena i prije predviđenog roka, do kraja oktobra", izjavio je Ramić.

ULOGA PODUZETNIČKIH POTPORNH INSTITUCIJA U JAČANJU MALOG I SREDNJEG PODUZETNIŠTVA

U okviru implementacije projekta koji financira EU „Održivi lokalno ekonomski razvoj općine Orašje“ („Municipality of Orašje Sustainable Local Economic Development“ – MOSLED), a koji u partnerstvu provode Općina Orašje, Udruga privatnih poduzetnika Orašje i Poduzetnički centar Pleternica, u petak 22.07.2016. godine u Orašju, održan je okrugli stol na temu: „Uloga poduzetničkih potpornih institucija u jačanju malog i srednjeg poduzetništva“. Na okruglom stolu kojem je nazočilo preko 40 malih i srednjih poduzetnika i obrtnika sa područja općine Orašje, te predstavnici Ministarstva gospodarstva i prostornog uređenja Županije Posavske, Gospodarske komore Županije Posavske i Ureda za gospodarski razvoj Županije Posavske predstavljene su mogućnosti i uloga Centra za poduzetništvo Orašje kao poduzetničke potporne institucije u gospodarskom razvoju i poticanju poduzetništva na području općine Orašje. Također, voditelj projekta Mato Mikić prezentirao je i promotivni materijal pripremljen u sklopu projekta „MOSLED“ - Katalog savjetodavnih usluga Centra za poduzetništvo Orašje, koji sadrži opis svih besplatnih stručnih i savjetodavnih usluga Centra koje stoje na raspolaganju postojećim i potencijalnim poduzetnicima, kao i ostalim zainteresiranim građanima, udruženjima civilnog društva i javnim institucijama.



Grb Općine Novi Grad Sarajevo



Grb Općine Orašje



Projekt „Održivi lokalno ekonomski razvoj općine Orašje“ („Municipality of Orašje Sustainable Local Economic Development“ – MOSLED) financira EU kroz Program IPA 2011 u okviru podrške lokalnom ekonomskom razvoju u BiH. Ciljevi Projekta su pružanje institucionalnih, formalnih i infrastrukturnih uvjeta za održivi lokalno ekonomski razvoj općine Orašje, te pružanje podrške malim i srednjim poduzećima kroz osiguranje bolje komunalne infrastrukture u „Poduzetničkoj zoni Dusine“ Orašje i

razvijanje poduzetničkih i tehničkih usluga kroz jačanje uloge i kapaciteta Centra za poduzetništvo i Poslovnog inkubatora općine Orašje. Ukupna vrijednost projekta je 461.265,93 EUR, od čega EU financira 391.885,93 EUR (85%), a Općina Orašje i partneri sufinanciraju projekt sa 69.380,00 EUR (15%).

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

DVANAESTI TRADICIONALNI VESLAČKI MARATON U JABLANICI

U sklopu manifestacije „Jablaničko ljeto 2016“, u subotu, 30. septembra 2016. godine, pod pokroviteljstvom Općine Jablanica i u organizaciji Omladinskog kluba „Pod istim suncem“, održan je dvanaesti, tradicionalni Veslački maraton na Jablaničkom jezeru. Uz prisustvo brojnih poklonika ove manifestacije i gostiju iz političkog, vjerskog i privrednog života općine Jablanica, na otvaranju ove tradicionalne manifestacije na plaži „Vila“ u Ostrošcu Općinski načelnik Salem Dedić posebno je istakao činjenicu da je održavanje mani-



festacije veslačkog maratona ujedno i održavanje počasti i sjećanje na tradicionalni drveni čamac koji je na Jablaničkom jezeru nakon potapljanja za stanovnike, naročito prekojezerskih sela značio mnogo. Takođe Načelnik Dedić se zahvalio organizatorima „Veslačkog maratona“, OKPIS Jablanica, Ministarstvu turizma i okoliša HNK, te svima prisutnim koji su došli da uveličaju ovu manifestaciju. Na stazi dugoj 4.210 metara od plaže „Vila“ Ostrožac do plaže „Peta“ u Donjem Paprasku takmičile su se 23 posade u drvenim tradicionalnim čamcima dužine 3,5 metara i dubine 50 centimetara. Pobjednička posada, Šahinović Smajo i Vođo Ragib, do cilja je stigla za 29 minuta i 30 sekundi. Drugoplasirana posada, Ramo Graho i Nihad Zerem, stigla je za 30 minuta i 30 sekundi, dok je trećeplasirana posada Husrep Fikret i Šehić Halid stigla do cilja za 31 minutu i 20 sekundi. Na cilju Veslačkog maratona na plaži „Peta“ u Donjem Paprasku, u prisustvu brojnih posmatrača, Općinski načelnik je pobjedničkim posadama uručio medalje, plakete i novčane nagrade u iznosu od 500, 300 i 200 konvertibilnih maraka, a nakon toga je uslijedio muzičko zabavni-program u izvođenju mladog pjevača Miralema Ramića.



Grb Općine Jablanica



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

SASTANAK POVODOM UPISA STEĆAKA NA LISTU SVJETSKE KULTURNE BAŠTINE UNESCO



U Sarajevu je u zgradi Parlamentarne skupštine BiH, a u organizaciji Ministarstva civilnih poslova BiH organizovan zajednički sastanak predstavnika 17 općina, tačnije načelnika općina iz cijele BiH, a povodom nedavnog upisa Stećaka –srednjovjekovnih nadgrobnih spomenika na Listu svjetske kulturne baštine UNESCO-a. Sastanak je organizovan sa ciljem planiranja budućih aktivnosti. Naime, "Stećci-srednjovjekovni nadgrobnih spomenici" Odlukom Komiteta za

svjetsku baštinu UNESCO-a od 15.07.2016. godine upisani su na Listu Svjetske kulturne baštine UNESCO-a. Nakon šest godina dugog rada na pripremi nominacije Stećaka za upis na Listu svjetske kulturne baštine u kome su učestvovali timovi eksperata iz BiH, Crne Gore, Hrvatske i Srbije, te zajedničkih napora predstavnika institucija sve četiri zemlje u izuzetnom primjeru regionalne sradadnje Stećci su konačno zauzeli svoje zasluženno mjesto u kulturnoj baštini svijeta. dluikom Komiteta za svjetsku baštinu na Listu svjetske baštine je upisano ukupno 28 nekropola iz 4 zemlje od toga 20 iz BiH i to: Radimlja, Stolac; Grčka glavica, selo Biskup, Konjic; Kalufi u Krekovima, Nevesinje; Borak, selo Burati, Rogatica; Maculje, Novi Travnik; Dugo polje na Blidinju, Jablanica; Gvozdno, Kalinovik; Grebnice, Radmilovića Dubrava, selo Baljci, Bileća; Bijača, Ljubuški; Olovci, Kladanj; Mramor u Musićima, Olovo; Kučarin u Hrančićima, Goražde; Boljuni, Stolac; Dolovi, selo Umoljani, Trnovo; Luburića polje, Sokolac; Potkuk u Bitunji, Berkovići; Bečani, Šekovići; Mramor u Vrbici, Foča; Čengića Bara, Kalinovik; Ravanjska Vrata, Kupres.Sastanku su prisustvovali i predstavnici nadležnih kantonalnih ministarstava, predstavnici entitetskih ministarstava culture i zavoda za zaštitu spomenika i predstavnici Komisije za očuvanje nacionalnih spomenika BiH.